

12/09/2003

PM dijangka rasmi persidangan IAS

KUCHING: Perdana Menteri, Datuk Seri Dr Mahathir Mohamad dijangka merasmikan Persidangan Akademi Sains Islam (IAS) Antarabangsa Ke-13, di sini pada 29 September ini.

Persidangan empat hari itu akan dihadiri lebih 350 saintis, profesor dan presiden institusi sains Islam, termasuk dari Jordan, Algeria, Azerbaijan, Bangladesh, Bosnia, Mesir, Perancis, India, Indonesia, Iran dan Iraq.

Jabatan Penerangan dalam satu kenyataan semalam berkata, tema persidangan itu ialah 'Tenaga Bagi Pembangunan Mapan: Sains Bagi Masa Depan Dunia Islam dan Kemanusiaan' diadakan di Sarawak sempena Sambutan Jubli Delima Sarawak Merdeka.

Sempena persidangan yang pertama kali diadakan di negeri ini, Presiden Akademi Sains Jordan, Profesor Abdul Salam Majid dijangka turut menyampaikan ucapan, selain penyampaian ucapan perutusan Presiden Pakistan, Jeneral Pervez Musharraf.